

Ernie og Elaine verðlaunin í Ástralíu

Ernie og Elaine verðlaunin eru veitt einu sinni á ári. Virðuleg samkoma þrjú til fjögur hundruð kvenfrelsara í álfunni undir okkur, Ástralíu, veitir verðlaunin fyrir kynfólkskulegustu orð eða ummæli ársins, Atkvæðagreiðsla fer fram með þú. Sá, sem hæst er þú á, hlýtur hnossið. Verðlaunin heita eftir fyrrverandi formanni Félags rúningsmanna, Ernie Ecob, sem ku hafa látið þessi orð falla: „Konur eru ekki velkomnar í vinnuskúrana, því þær eru bara á höttum eftir kynlífi.“

Verðlaunin eru veitt í nokkrum flokkum með ofangreindu sniði, t.d. á sviði íþróttar, réttarfars og fjölmiðlunar. Hnossið hljóta karlar. Stjórnsmál eru vitaskuld ekki undanskilin. Clinton verðlaunin fyrir ítrekaða kynfólksku og kynferðislega áreitni hafa nú verið endurskírð Trump verðlaunin.

En félagsskapurinn veitir reyndar einnig orðu strákum á réttri leið (boys for behaving better), Góða Ernie. Áður voru verðlaunin kölluð Gareth verðlaunin til heiðurs Gareth Evans, fyrrum ráðherra, sem einnig var alþjóðlegur ráðgjafi og þjóðasættir, heiðraður með orðu – eins konar fálkaorðu - af reglu, sem stofnuð var af Elísabetu Bretadrottningu árið 1975, „Order of Australia.“ Hann hafði neitað ásökunum um hliðarspor í kynlífi árið 1998, en játaði svo á sig athæfið fjórum árum síðar.)

Kvennaverðlaunin, þ.e. verðlaun til þeirra, sem ganga í berhögg við systralagið, eru kölluð Elaine til heiðurs Elaine Nile, fyrrum þingmanns Kristilega lýðræðisflokksins í Nýju Suður-Wales. Kvenfrelsarar gagnrýndu hana ákaft fyrir hefðbundnar skoðanir á hlutverkum kynjanna. Þetta hnoss hljóta skiljanlega bara konur.

Í ár hlotnaðist heiðurinn, Bettina Arndt, sem lengi hefur bent á „slagsíðuna“ í jafnréttisbaráttunni. En svo skemmtilega vill til, að Bettina var samtímis heiðruð af ofangreindri reglu fyrir „þjónustu í almannabágu sem álitsgjafi um félagsleg málefni í tengslum við baráttuna fyrir jafnrétti kynjanna með áherslu á réttindi karlmannna.“ Regla þessi, sem heiðraði Bettínu eða öllu heldur orðuveitingarnefndin (The Council of the Order of Australia), fékk fyrir bragðið blauta tusku í trýnið, stofnanaútgáfu verðlaunanna fyrir auðsýnda kynfólksku.

Tja! Það er svo sannarlega líf og fjör í jafnréttismálunum „down under“ eins og hér í köldu norðri.

<https://www.canberratimes.com.au/story/6951206/and-the-award-for-sexist-of-the-year-goes-to/>